



## **MOSTAR FILM FESTIVAL**

FESTIVAL FILMSKE GLUME

**AKADEMIJA UMETNOSTI NOVI SAD  
ĐURE JAKŠIĆA 7  
21 000, NOVI SAD  
SRBIJA**

[www.akademija.uns.ac.rs](http://www.akademija.uns.ac.rs)

**DEKANAT AKADEMIJE**

*Mostar, 31.10.2018.*

### **OTVORENI POZIV AKADEMIJAMA ZA UČEŠĆE NA 12. MOSTAR FILM FESTIVALU**

---

Poštovani,

Manifestacija Mostar Film Festival, koju organizira Kazališno-filmska udruga Oktavijan u svom je 11. izdanju nastavlja svoj festivalski put i progres. Festival ove godine premijerno otvara film *SAM SAMCAT* hrvatskog reditelja Bobe Jelčića.

Svečano otvorenje festivala ove godine, održat će se **27. studenog 2018. godine u 18:30 sati u Velikoj dvorani Hrvatskog doma hercega Stjepana Kosače, Mostaru.**

Pored spomenutog filma, prikazat će se najnovija filmska ostvarenja iz regije. U njegovom novom izdanju, u programe festivala bit će uvršten i program dokumentarnog filma iz regiona, dječiji program te pregled najboljih studentskih filmskih radova sa akademija filmske umjetnosti iz regiona. Natjecateljskim programom će ove godine žirirati **rediteljica Branka Bešević-Gajić, glumac Miro Barnjak i glumica Jelena Jovanov.**

Naša je namjera da bar na nekoliko dana pretvorimo Mostar u filmski grad i centar zbivanja filmske umjetnosti regiona sa značajnim naglaskom na promociju i razvoj glumačkog segmenta. Žiri će nagrađenim glumcima uručiti nagrade „Stablo ljubavi“, koja je u proteklom desetljeću išla u ruke doajenima glumišta poput Ane Karić, Rade Šerbedžije, Mire Banjac, Ivce Vidovića, Milene Dravić i dr.



Muje Pašića 8, 88 000 Mostar  
Tel.: + 387 63 467 967  
E-mail: [moff@moff.ba](mailto:moff@moff.ba)  
[www.moff.ba](http://www.moff.ba)  
ID broj: 4227515490000  
Transakcijski račun:  
3381002202830543  
UniCredit bank

moff

**MOSTAR FILM FESTIVAL**  
FESTIVAL FILMSKE GLUME

Ovom prilikom želimo da Vam saopćimo da ovogodišnji MOSTAR FILM FESTIVAL otvara poziv Akademijama primjenjenih, scenskih i dramskih umjetnosti iz regije za učešće u dva programa:

- **STUDENSKI TAKMIČARSKI**
- **MASTERCLASS**

Naime, u cilju promocije edukacijskog segmenta filmske umjetnosti, odlučili smo naglasiti važnost i zastupljenost studentskog filma i mladih autora, koji već sada žele da se istaknu svojim radovima. U saradnji sa akademijama i uvaženim stručnim i nastavnim kadrom, kao novonastajući festival koji za cilj ima promociju regionalne filmske umjetnosti sa naznakom na važnost glumačkog poziva, želimo da doprinesemo što boljem razvijanju i afirmaciji mladih autora u današnjem društvu, kao i svijetu filmske industrije. Predavači na ovogodišnjem masterclass-u su istaknuti filmski radnici iz sfere regionalne kinematografije: **Stanko Babić, Zvonimir Rumbolt i Anila Gajević**

Zbog svega navedenog, želimo da Vas lično, Akademiju koju predstavljate i studente Akademije, pozovemo da učestvujete na ovogodišnjem MOFF-u.

Odlučili smo Vama prepustiti odabir **dva studentska kratka igrana filma**, koji će biti birani i predstavljeni u selekciji takmičarskog programa "STUDENSKI TAKMIČARSKI". Festival naravno snosi troškove prevoza i smještaja za dvije noći za dva člana autorske ekipe svakog filma.

MASTERCLASS je sigurno jedan od najspecifičnijih programa na festivalu, koji je zamišljen kao radionica u kojoj bi respektabilni glumci iz regiona čiji su filmovi u takmičarskom programu festivala te uvaženi filmski profesionalci radili u grupama sa odabranim studentima glume (III i IV godina) dva dana na tehnikama glume te svim profesionalnim aspektima glumačkog poziva (casting, PR i management). U ovom slučaju birate **četiri studenta glume (dva sa III i dva sa IV godine) te profesora glume ili šefa katedre glume** koji bi ih pratio.

\*Festival bi snosio troškove dolaska i boravka pokrivanjem troškova goriva u oba pravca, te troškova dva noćenja za učesnike programa. **Poziv podrazumijeva boravak u Mostaru u periodu 30.11.-02.12.**



Muje Pašića 8, 88 000 Mostar  
Tel.: + 387 63 467 967  
E-mail: moff@moff.ba  
www.moff.ba  
ID broj: 4227515490000  
Transakcijski račun:  
3381002202830543  
UniCredit bank



## **MOSTAR FILM FESTIVAL**

FESTIVAL FILMSKE GLUME

Mišljenja smo da su Akademijama povjerene sve pedagoške i odgojne metode, kako bi konstantno pružali umjetničkoj sceni i zajednici potpuno educirane mlade autore i glumce, koji će voljeti posao kojim se bave, biti uspješni i u najboljem svjetlu predstavljati sredinu iz koje dolaze. Upravo iz tog razloga želimo da učestvujemo u izgradnji bolje mreže poznanstava glumišta u regiji i nadamo se da ćemo u tome uspjeti.

***Ljubazno Vas molimo da nam dostavite kontakt osobe ispred Akademije koja će koordinirati učešće na MOFF-u, kao i spisak glumaca koji učestvuju u programima MASTERCLASS i STUDENTSKI TAKMIČARSKI.***

Želimo zatvoriti listu učesnika Akademija, te Vas ljubazno molimo da uz odgovor o učešću dostavite i Vašu prijedlog listu studentskih filmova sa online screenerima, te CV studenata glume.

U iščekivanju Vašeg odgovora za učešće na Mostar Film Festivalu, srdačno Vas pozdravljam,



Slaven Knezović,  
Direktor festivala

Muje Pašića 8, 88 000 Mostar  
Tel.: + 387 63 467 967  
E-mail: moff@moff.ba  
www.moff.ba  
ID broj: 4227515490000  
Transakcijski račun:  
3381002202830543  
UniCredit bank